

punct gegen mitnacht werg / dasselb ist der grad auff dise
zeyt der mitnacht.

Mitnacht,
quart-

Also hastu die vier örter / das ist die vier winckel des hym
mels / an wellichen in der Astronomorum judicij am meys
sten gelegen ist.

4. Winkel
des himmels.

Weyer merck so man das Reche wie gesagt ist / nit ver
ruckt / so hast alle 12. hewser des ganzen hymels / wañ du acht
gibst / wellicher grad der thiercreys / vñ wellicher zeychen / der
gleich wellicher stern zwischen den creysen der hewser / das ist
zwischen den zwysfachen creysen lyge.

12. hewser,
der Planeten.
vnd Zeichen.
Luffgang

Wiltu aber wissen in wellichem hauss ein yeder planet sey /
so schaw im Almanach in welchem grad vnd zeychen ein yed
befunden werde / vnd wo dann derselb grad / vnd in welchem
hauss er auff dem Astrolabium begriffen ist / da ist auch der
planet / der in demselben grad auff die zeyt laufft zc.

Declinationes ab aequinoctiali,

Die neygung der Sonnen eins sterus oder eins yeglichen grads des Thier creys zu vindenn.

*Inclinationum
solis in finden,*

Das Siebenzehend Capitel.

Auff das du dises Capitel deffleychter versteen mō
gest / ist zu mercken das der thiercreys zwysfaltig ge
teilt wirt. Zum ersten nach der leng inn 12. gleiche
teyl / das ist inn die 12. zeichen / darnach ein yeglich
zwelffteil inn 30. das macht / so man den gangenn
thiercreys geteilt hat 360. teil / das seind seine grad / vnd wañ
wir anheben dise teyl zu zelen / so heben wir an am ersten grad
des Widers.

Zodiacus,

leng

Darnach so wirt der thiercreys geteilt nach der preyte /
dann diser circel ist allein vnder allen creysen des hymmels
der ein preyte hat / die andern aber seind nicht mehr dan wie
ein linia / Vnd disen circel teylen wir nach der preyte in 12.

breite,

z ij